

COLOVINYL  
MOSAICO di PLASTIC

Practico y moderno!!  
Un hunka vicer pa cu-  
shua, pasillo y baño.  
FABRIKAAT  
LINOLEUM KROMMENIE  
MESKER - ARUBA N.V.  
TEL. 1325

# ARUBA ANSE COURANT



Diario pa



Aruba

KING SIZE COCA-COLA  
MORE FOR YOU!

NOW!!  
AIRCONDITIONING  
FOR  
COOLNESS  
Tel. 2170



ANJA 23

DIAMARS 25 SEPTEMBER 1962

No. 4448

Apuntes Editorial

## NOS NO TA PARA SOLITARIO

Riba dia 4 di Augustus nos a publica den e diario aqui un portret dje cas bieu di Shon Juan Capriles, situa na e piñchi chikito banda di Tienda Saidin. Nos a observa fol e dia el cuba den nos columnanan, cu ta lavina cu mas y mas dje sublime antiguo castañan tipico arubano ta bai desapareciendo.

Ta parece cu awor nos no ta pura nos sol, ora cu nos ta lamenta un semelante curso di asuntunan.

E revista „Contact“ di Liga Arubano di Educacion a lanza un articulo profundo den su numero di luna di september contra e andamento asina nonchalant cu e propiedadnan tipico di Aruba. „Lo disparee trobe un pida antiguo-Aruba caracteristico. „Cuantu dje castañan aqui mas ta spera alinda riba marlin dje demolador?“ Indudablemente esaki ta di lamenta, pasobra e asunto ta cu no ta solamente un casta ta ser demola, pasobra huntu cu esaki ta disparee tambe un dje poco pedazonan di cultura riba cual Aruba por ta orgulloso.

„Sin embargo tin alinda un otro aspecto na e asunto aki. Si despues di algun decena di anja te di ultimo casta a ser demola, un pascu over dje isla lo mester ser un hap largu pa un turista, pasobra ta hustamente e castañan aqui ta duna elegancia na e paisan. Ta incomprendible com den un tempo, cu nan ta haciendo te na lo mas extrema pa atrae turistanan, nan ta slinta mira tranquilo, com un complejo asina ta ser basta abao te na sueia.

„Contact“ ta propone na formacion di un institucion cu por proteha cultura di Aruba. Nan ta quere cu esaki ta un dje tareanan agradecido pa organizacionnan positivamente institut di hubentud, principalmente ora cu autoridad y bida comercial ta dispuesto na apoya efectivamente un bon iniciativa.

De la manera anto cu Arubaanse Courant no ta para e sol. E chispa cu nos a cende a cuminsa ta bira un vlam. Ohala cu e pensamiento fructifero aqui cu „Contact“ a publica, despues di a ser elabora na un manera excelente, por ser awor ofreci na e circulo grandi di educadornan y representantenan di cultura; ohala cu e idea aqui logra na mas terreno y alafin alcanza na medidanan cu lo stroba demas demolacion dje bunita castañan aki.

Ta existi un comision di autoridad, cu mester keur cada proyecto pa traha un cas nobo y cu ta deboibe hopi proyecto na e „constructornan-aspirant, pasobra nan no ta hanja e plan ainda basta bunita. No ta strango, cu mientras autoridad ta existi e comision aki escrupulosamente pa vigila cu ta solamente casnan aestetico hustifica ta ser construi, na mes tempo permit cu casnan ainda mas bunita, cu hasta tin un balor interesante pa desarollo turistica ta ser demol?

Ta quen ta pone mun pa tuma e iniciativa aqui.

Enter Bonaire a despedi di sr. J. L. A. Ekkebus, chef di Radiodienst na Bonaire. Riba e portret aqui nos ta mira hefe di Landsradiodienst, sr. R. H. C. van Haaren ta ofrece un regajo di despedida na sr. Ekkebus.

## A CAI UN AVION MERICANO DI TIPO „FLYING TIGER“

SHANNON, 25 sept. — Un avian superconstellation di e tipo „Flying Tiger“, cu ta pertence na e compania „Flying Tiger Airline“, a cai ayera noch mas o menos 800 kilometer na West di Shannon den Mar Atlantico. E avian tabatin 77 ocupante, esta 67 militar cu nan famia y dies miembro di tripulacion. E avian tabata na caminda di Gander, New Foundland pa Frankfort na Alemania Occidental.

E avion cu tin cuater motor a anuncia promer cu un motor a cai afor y despues a anuncia cu dos y tres motor a cai afor.

Por lo menos tres avion di rescate y diferente bapor ta acercando e lugar di desgracia. Segun e ministerio ingles di forsi aerea tempu den e territorio ey ta malu.

E bapor suiza „Celerina“ cu na momento cu e avion a cai na awa tabata mas o menos sesenta kilometer for di e sitio ey, a alcanza e avion y el a cohe por lo menos cincuenta sobreviviente for di e salbada. Entre nan ta e capitán di e avion.

Di otro bapornan cu a drenta nan no a haya informacion si nan tin sobreviviente a bordo.

Bordo di e bapor suiza tin tambe dos morto, victima di e accidente.

„Ei for di e portavion bordo di e bapor „Celerina“ di Suiza ya menciona.

E tripulacion di e bapor Celerina a haci masha esfuerzo mes pa bisa e victimanan di e desgracia di cual hopi tabata gravemente herida, a bordo.

### Bapor di Canada

Un bapor di Canada ta hibando e 49 sobrevivientenan Irlanda. Te ainda avionnan y bapornan ta busca e 21 persona cu a disparee. Tabata e bapor di carga di Suiza „Celerina“ cu a hanja e sobrevivientenan ta drif den un laman bruto, el a cohe nan abordo pa despues entrega nan na un bapor di Canada. A resulta cu e bapor di Canada por a duna

### HEFE NOBO DI N.U. NA KONGO

NEW YORK, 25 sept. — E Pakistaní Syed Habib Ahmed a word nombra hefe di e operacionnan no militar di Nacionesnan Uni na-Kongo. Dia prome di oktober e lo tuma e puesto over di e tunecino Mahmud Chiari.

e personanan aki mas mihor ayudo medico cu e bapor di carga di Suiza.

Tambe nan a hanja seis cadaver. Dje seis B flota di salvavida cu e avion tabatin abordo nan a hanja cinco. Ta posibel cu e bapor di Canada Bonaventura lo yega Irlanda mayan. Y nan lo transporta e sobrevivientenan cu helicóptero dje bapor Bonaventura pa Shannon. Dos di nan ta seriamente herida.

### Irregularidadnan na Napels

NAPELS, 25 sept. — Na Napels tabatin incidentenan afuera maina entre polis y welgistanan di fabricanan di metal cu tabata tene un optocht. Diferente hende a resulta herida. Nan a haci algun arrestacion.

### PRESIDENT RUSO NA BELGRADO

BELGRADO, 25 sept. President Drezjnov di Union Sovietica a yega Belgrado cu avion pa un bishita di diez dia na Sur Slavia. Observadornan ta spera, cu e bishita aghi lo ta un clase di confirmacion oficial di e recuperacion di e amistad entre Rusia y ur Slavia.

President id e presidium di e consetho supremo di Union Sovietica a wordo recibí door di president Tito na aeropuerto di Belgrado y e bishita di Drezjnov mester wordo considera tambe como un contesta di e bishita di tres siman cu president Tito a haci na anja 1956 na Union Sovietica.

ra cu actualmente e Central aqui ta trahando perfecto. Bonaire ta debe bo masha gratitud na diferente terreno i cu tristiza nos ta mira bo despedi, asina Sr. Van Hesteren a bisa.

Na number di Bestuurscollege el a ofrece e empleado despediendo e boki di Hartog over di Bonaire i na number di ambtenaaran un envelop cu contenido, pa gasta na e hobby, cu asina tantu Sr. Ekkebus ta gusta cu ta fotografia.

### Trabao perfecto

Despues di Gezagebber a tuma palabrá Sr. Van Haaren. El a cuminsa su speech elogiando Sr. Ekkebus pa e trabaoan perfecto cu semper e empleado aqui a ofrece. Bo tabata un hombre cu semper a cumpli excelentemente cu bo debernan di trabao i nunca bo no tabata satisfecho sino cu realizacion completo di bo actividadnan, asina Sr. Van Haaren a bisa. Den esei bo tabata un ejemplo pa e servicio i nos a probecha di esei un fila largo di anjanan. Tambe Sr. Van Haaren a elogia e estado perfecto dje stacion cu Sr. Ekkebus a encarga su sucesor Sr. Van Niel cune. Despues di hopi anja ainda por reconoze man di Sr. Ekkebus den e stacion aqui. Nos ta desea bo un verlof particularmente agradabel i nos ta spera cu despues di bo regreso di por probecha hopi tempo mas di bo servicio, asina Sr. Van Haaren a termina su speech.

Sr. Gerritsen di Philips a expresa masha palabranan di elogio, specialmente na e sistema cu cual Sr. Ekkebus a pone e central di telefon na accion i e sistema cu el a mantene esaki tambe.

E aparatura di mas mihor lo no funciona bon ora cu e no ser instala pa un persona cu conoce su profesion, un experto riba e terreno aki. Cu e central aqui ta funcionando asina bon, principalmente nos tin di gradici esei na bo.

Como prueba di aprecio pa cooperacion agradabel, el a ofrece e chef retirando un coleccion di disco. Hefe nobo di central di telefon Sr. De Geus a gradici pa tur cooperacion i a ofrece un lighter specialmente graba di Bonaire.

Den un speech cortico pero visto emocionante, diputado Snijder a gradici Sr. Ekkebus pa tur loque esaki a haci na adelanto di Bonaire.

Aunque no personalmente representata, Meteorologische Dienst i Luchtvaartdienst pa medio di Sr. Van Haaren, a percursa pa mustra Sr. Ekkebus nan aprecio. Especialmente Servicio Meteorologico a elogia e duna-mento di noticia exacto di Sr. Ekkebus, a base di quende su confidencia, nan



Diasabra anochi a yega Aruba foi Miami mr. J.H.A.J. van der Dussen, burgemeester dje ciudad holandesa Dordrecht. Ultimamente e burgemeester aqui a hanja na ocasion di su bishita di 25 anja den servicio di gobierno di su comunidad di regalo un viaje di goodwill door di Estados Unidos, antillanan neerlandes y Surinam. E burgemeester sin embargo a queda corto na Aruba. Diasabra mes el a bai Corsow. Aghi riba di r.p.dr. sr. R. Th. Pubud de Mortanges, kende na number di KLM a jama mr. Van der Dussen bonhiti, chef di servicio informatorio di gobierno Nicolas Piña, sra. van der Bussen, burgemeester y secretario insular J. C. M. Kersten, cu tabata presente na number di Bestuurscollege.

### „CONTACT“ DI ACUERDO PA UN MUSEO ARUBANO

ORANJESTAD — Den ultimo edicion di „Contact“, e revista mensual di Liga Arubano di Educacion, a dirigi su mes profundamente den e posibilidadnan cu ta existi na Aruba pa instala un propio museo arubano. Den e corant aqui nan a haci mencion na realizacion di un semehante museo. Nan ta mustra cu e museo aqui mester ser instala den un casita tipicamente arubano, preferible cu un pida conuco rond di dje. Den e museo aqui lo por ser exhibi anto: material indiano cu hanja riba e isla aqui, coleccion di cocolishinan, koralnan y semehantenan, prechir y portretnan bieu di obhetnan arubano, muebelnan y obhetnan di uso di tempo antiguo, produccionan arubano di huisvlijt i cuadro-nan, un aquarium di awa di lamar.

Riba e terreno rond dje museo organiza segun „Contact“ un museo na aire libre, cu p.e. un reconstrucion di un colonia original indiano, un hardin di planchinan, formacion di baraneu cu pinturanan indiano y un ocasion na bebe behidanan refrescante. Segun opinion di e revista aqui tin suficiente material disponibel na Aruba cerca particularnan pa un semehante museo.

Tin suficiente urna y potchinan di uso, por ehemplo na oficina di turista. Luego tin disponible un dje coleccionnan particular di mas grandi di Aruba. Tambe lo nan hanja basta portretnan bieu cerca particularnan. Ta ser sugeri cu Werkverschaffing por tuma e objecto aqui na su encargo.

### COMPETITIE A.V.B.

Awenuchi pa 7.30 den WILHELMINA STADION

### DAKOTA vs. ESTRELLA

(HOOFDKLASSE)

TRIBUNA PABAU FL. 1.—

TRIBUNA-PARIB FL. 0.75

Pa mucha tin lugar tras di goal pa FL. 0.25

### SR. BIKKER TA PRESIDENT DI STATEN TROBE

(Di nos corr. na Corsow)

WILLEMSTAD, 25 sept. — Durante e prome sesion di colegio di Staten den su formacion nobo despues cu eleccionnan, sr. J. A. O. Bikker a queda eligi como president.

El a hanja 12 voto contra 9 abstencion.

Sr. Osbaldo Croes a ser eligi como vice-president. E tambe a hanja 12 voto contra 9 en blanco.

E sesion tabatin un caracter masha formal.

FATUM — Tel.: 1845  
pa tur ba aseguranan

### PROME NOTICIA DI PASCU FOI SEROE COLORADO

ORANJESTAD — E prome noticia di Pascu a alcanza nos foi Seroe Colorado, na unda sra. Doris Thompson ta solicitando cantornan trobe pa su koor di misa. Principio di oktober e lesnan lo cuminsa. Quende cu tin interes por telefonica sra. Thompson na Seroe Colorado.

Diasabra atardi tabatin un recepcion chikito den e negoshi di Palais Oriental (pubao) den Nassaustraat na ocasion dje hecho cu e construcion a bini ela. Sra. Padma Tolaram Daryanani, cu ta manager dje negoshi aqui (melmet) ta poseer cu su cunja foi Jamaica sra. Chandiram (traje di ruit) melmet di un numero di relacion denter di quendenan nos ta ultra d.r.p.dr. sres. S. van Trigt, Th. Blok, H. J. Jacobs, L. Kulperl, F. J. van Scherpenzeel y Th. Nellissen.



(Sigui lesa riba pag. 4)





Después, le un saludo pa Rosemarie, mi ta bolbe cu un problema sperando Rosemarie su bon consejo. Rosemarie, cu ta cu mi a scirbi Rosemarie to mate d e mulier casa, cu a loka cu mi esposo, cu al carta li mulier a haya cerca mi esposo na aña 1961. E di 2 de agosto i con a aña 1961 den mi p.e. 3 aña amor mi ta bibe cu otro problema. Rosemarie ta em anja cu mi esposo na ta worry mis cu mulier casa como cu tanto e mbe casa mi esposo a k'a for di e trabaio caminda nan dos tabata traha huntu.

Awor ta sosede cu caminda e mulier casa ta biba mi esposo tambe fin un ta ta biba, net dilanti di cas di e mulier. Tur ora mi casa ta bai na e ta ta waak e mulier casa. Pero mi esposo a bisi mi cu tur loka i paseda cu mulier ey ta cas di ber eniza i awor e mulier ta sintie ma sha big shot. E mulier ta kere cu mi no sa su secreto i e ta trata mi cu masha menosprecio. Pero Rosemarie mi tin masha gusto di bise e mulier ey su herdad of di dina su esposo e cu cu mi tin pa e mira ta ki sorto di mulier infiel e ta casa cunele. Mi tin un sospecho cu atrobe mi esposo tin cuenta cu e mulier ey i cu ta p'se mes e ta bai cas di su tanta. Rosemarie dina mi un consejo den Arubaanse Courant. Masha danki.

Desconfiada

Mi amiga, pa motivonan fuera di mi voluntad, e carta di bo a spera asina tanto prome cu mi por a conteste. Mi ta spera cu den e tempo ey ya bo problema a keda soluciona. Por si acaso ainda bo ta pasando e me-



un troudepan, tuma e siguiente consejo cu mi kier duna bo:

Kibra e carta bien ey. Mi ta kere cu mi a conseha lu esey caba algun anja pasa. Un carta asina den bo poder ta masha malo pa dos motivo: 1. ta un arma, cu lo por usa enaquier momento contra e mulier ey kibra i mulier su matrimonio. 2. e ta un fuente di disgusto pa bo i un fuente di odio i rencor. Si bu kibra e mulier ey su matrimonio cu e carta, ademas di hupá otro trouble, corla bon cu e una ey e mulier tin mas chens i mas ocasion pa busca bo esposo. Si cada vez cu bo contra cu e carta e tanta bo pa lu mande pa esposo di e mulier ey, auto un di e biaba nan ey bo ta haci tambe. Consecuencia di esey lo ta masha malo pa e mulier pero pa bo tambe. Kere mi, Kiko bu ta gao, mi amiga, cu wara un carta herozoso asina? E ta kibi tur bo tranquilidad, tin bo sosiego. Kibrele auto.

Awor tocante bo esposo. Pudser bo sospecho un tin ningun herdad, esey waak bon prome bo pensa malo. Si embargo mi taube ta haya straujo cu

un homber ta gusta tanto di bai cerca su tanta ... Ora e ta bai cerca e tanta, ey, bai bo tantu huntu. Papia cu e tanta, bisele cu e tene masha cuida na no consenti den e desorden ey entre lu esposo i e mulier casa. Papia cu bu mes esposo ey riba. Tene bu culm si, esey ta principal. Scirbi mi despues con a para, mi amiga!

Rosemarie

### ALEMANIA OCCIDENTAL TA CUMPRAR ARMA DI MERCA

WASHINGTON, 25 sept. — E segundo minister Merziano di Defensa, Gilpatrick, a participa ayera cu Alemania occidental a aproba pa compra 1200 miljon dollar na armanan Mericano, den cuadro di e decision di alidatnan a yuda e balans Mericano di pago.

Nan ta negociando cu Francia to cante un valor di 275 miljon dollar na armanan y Italia 100 miljon dollar na equipaje. Gilpatrick a regresa siman pasa di un bishita na e paisnan aki pa e regla e asunto ey.

### NAN A PONE KRANS NA MONUMENTO RUSSO

ALKMAAR, 25 sept. — Un grupo di Risonan a pone un kran ayera na e monumento cu nan a traha for di anja 1901 na Bergen pa conmemora e soldanan Ruso cu a muri entre 8 y 21 di september na Bergen.

E ponemento di kran tabata den cuadro di celebracion di e hecho cu 150 anja pasa nan a derota Napoleon na Rusia.

### E DIFICULTADNAN CU BAPORNAN CU TA BAI CUBA

REGGIO CALABRIA, 25 sept. — Un bapor Italiano di carga, „Airona“ a sali despues di un retraso di cuater dia for di e haaf Reggio Calabria na Zuid Italia pa Cuba cu articulonan for di Union Sovietica. E retraso a worde causa door cu cinco miembro di tripulacion di e bapor a ninga di bai Cuba y mester a worde reemplasa. Tambe e capitán mester a worde reemplasa.

El a pidi donjo di e bapor pa haci esey pa matibu di su salud.

For di San Juan capital di Porto Rico, nan ta anuncia, cu autoridad nan a laga pone beslag riba 80.000 sacu cu sucu Cubano, cu e bapor Ingles „Stretton Hill“ tabata transporta pa Union Sovietica.

Ademas nan a informa, cu a bordo di e bapor tabatin un candela. E causa di e candela no ta conoci ainda.

### PSAHERONAN DI TREIN A MURI DESPUES DI TIRAMENTU

BUENOS AIRES, 25 sept. — Den e harrionan pafor di Buenos Aires un trein a cai den linea di tiramentu di un avion di guerra di e tipo Globster Meteor, cu tabata tira riba truhanan di gobierno den cercania di un aeropuerto. Segun e prome noticia enaier ciudadano a muri y di ferente ta herida.

### MERICANO TA PIDI ASILO NA CUBA

HAVANA, 25 sept. — E científico mericano Richard Bourret a pidi asilo politico na Cuba. Bourret ta acompaña di su senjora y dos yiu muhe di dies y nebe anja. Asina e corant semi-oficial di Cuba „Revolucion“ a participa.

Parce cu e famia a yega Cuba algun dia pasa.

### NOBO NOBO NOBO

NASSAUSTRAT 34  
Nos a cuba di ricibi for di Sulza: tela horda masha bunita, den colornan y disenjo precioso! Tambe kunchi pa bisti di bruid. Tela nobo pa cortina den colornan y dibujo moderno. Serca nos, semper e prijsnan di mas barata!

### ASALTONAN NA ESPANJA

MADRID, 25 sept. — Minister Spanjo di Interior a participa, cu nan a descubri un organisacion secreta cu ta responsable pa e asaltonan cu bon cu tabatin ultimo dianan na Spanja. Manera ta conoci e asaltonan aki a worde comete na Barcelona, Valencia y San Sebastian.

Den e comunicado nan ta bise cu e asaltonan a worde comete door di un organisacion clandestina di partido comunista, pa demoralisa opinion publica, stroba desarrollo economico y stroba turismo y capital estranhero.

### E AVION DI NACIONAN UNI CU NAN A TUMBA NA KATANGA

ELISABETH, 25 sept. — Di e dies Sueconan cu tabata bordo di e avion li e tipo Dakota, cu nan a tumba riba Katanga, un a muri. Cincin di e ocupanten a sufi heridonan, di cual un ta grave. E sobranan a sali ileso di e accidente.

E sobrevivientenan a worde hiba cu helicoptero bon di proteccion di avionnan di caza di Nacionan Uni na e base Kamina na Katanga.

Segun fuentenan generalmente bon na altura e Dakota a cai banda di e pueblo Kamoenza, cu ta situa den e parti di Noord Katanga cu ta ocupa door di ehercito di gobierno central di Kongo.

Prome e Gongolonyonan no a ricibi e militarnan cu a sobrevivi e desgracia muchu carinioso. Pero despues nan a yuda cu e trabao di rescate. Mes ora presidente Tsjombe a acusa ehercito Gongolonyo di a tumba e avion. El a ofrece Nacionan Uni tur clase di cooperacion na investigacion di e suceso. Entre tantu un comision di investigacion cu ta consisti di shete miembro a cuminsa cu su trabao. E coronel Italiano Testarini ta dirigi e grupo.

### HEATH TA BAI SERCA ADQUIER OTRO SIMAN

LONDON, 25 sept. — E segundo minister di exterior, Edward Heath kende ta e prome negociador di Inglatera tocante e kestion di afiliacion di Inglatera na e mercado comun di Europa, na e cuminsamento di otro siman lo delibera cu canceller Adenauer di Alemania Occidental na su residencia unda e ta pasa vacation na Cadenabbia, Noord Italia. Asina fuentenan autorisa na Inglatera a participa.

### DECRETANAN DI E IMAM NOBO DI JEMEN

AMMAN, 25 sept. — E imam di Jemen a proclama un decreto pa forma un consejo consultativo di cuarenta miembro, asina Radio Sanaa ta anuncia. Mitar di e miembronan lo worde eligi y initar lo worde nombra. Segun un otro decreto nan lo forma den henter Jemen conseshonan municipal.

E ex-imam, kende su morto a worde anuncia siman pasa, tabata un dictador, cu tabata contra tur intentonan pa haci e regimén mas flexible.



gracias na e staf di techniconan cu ta duna bo tur informacion pa planea bo cas, renovacion of reconstrucion na un prijs masha razonable.

### PETRONA & CROES

### UN DELEITE



ARUBA TRADING CO.

### Fin di negociacionnan Inglatera—EEG prome cu Pascu

BRUSSEL, 25 sept. — Circulonan oficial na Brussel ta considera posible, cu e berdadero negociacionnan entre E.E.G. y Inglatera tocante e afiliacion di Inglatera na E.E.G. lo caba prome cu Pascu di nacementu awor.

Despues nan lo pone e acuerdonan logra den e formanan juridico correcto.

### OBISPO CU LO A PARTICIPA NA CONCILIO A MURI

CIUDAD DI VATICANO, 25 sept. — Un di e prome obisponan cu a bini Italia pa asisti na e concilio ecumenico, monsenjor John Foster Hogan for di Bellary na India, a muri di un ataque di curazon dijes despues di su llegada na Naples.

Mgr. Hogan a nace na Liverpool na anja 1895 y for di anja 1949 e tabata obispo di Bellary.

### RAKETNAN RUSSO PA IRAK

PARIS, 25 sept. — E corant Frances „Paris Presse“ ta anuncia cu Irak lo haya raketnan Ruso pa defensa aerica pa un base comun di Irak y Rusia, cu nan lo cuminsa usa dentro di algun siman.

E base di raket lo ta construi den e desierto na mas o menos 45 kilometer for di Bagdad. Parece cu Irak a firma un acuerdo cu Union Sovietica, segun cual Rusia lo manda material, instructor y personal pa e base mientras cu Rusia lo haya facilidatnan militar cerca Irak.

### TREIN A DAL TRES MUCHA

UTRECHT, 25 sept. — Na Delfshavenbrug entre Rotterdam y Schiedam un trein di Hoek van Holland cu tabata bai Rotterdam a dal tres muchacha. Tur tres a muri. Nan tabata huija riba e rielnan ora cu e trein tabata bin.


### BARATILLO COLOSAL NA PANAMA STORE

Stock completo di mercancia nobo ta bai na prijsnan rebaha bao di costo! Algun chemplo:  
Bisti pa dñes di Miami (TRES) pa f. 10  
Sombre f. 0.85 (TRES) pa f. 2.50  
Carson pa solamente f. 0.25  
Carson pa humber, Decron, Orion Wash & Wear prijs original f. 13.75 AWOR f. 5.75  
Tela americano for di f. 0.35 pa riba surtido grandi di sapato.  
Serbete, sobre-ceme, leken, panja di mesa na prijsnan drasticamente reduci. Tambe nos muebles ta bai na prijsnan especiel: Cama, set di comedor y di dormitorio.  
Pa cada cema cumpre durante e baratillo aki 1 (UN) laken di regalo.  
Pa cada ROBE compra 12 (DIESDOS) hanger como regalo.  
TIRE DI AUTO den tur tamaño y di tur marca durante e baratillo aki pa solamente f. 17.50.



### Awor cu un representante den cada distrito na Aruba

Aseguro di bida - aseguro di accidente - aseguro pa incapacidad y aseguro pa  
**HOSPITALIZACION**  
Pa tur informacion jama:  
TEL. 2703



### Continental Tyres

Among the Best  
Be sure of perfect reaction, superior comfort and high mileage.

E. & G. MARTIJN (ARUBA) LTD

### BO RADIO TA DEFECTO?

Nos ta drechele pa bo denter di 3 dia  
**CASA ELECTRONICA**  
(Banda di Viana) - Tel. 5371

Srta. Helonsie Lioe A. Tjam (meime) foi San Nicolas a hira ganadora di nos sexto Concorso di Anja. Cu esaki el a gana e premio di f. 50 di Arubaanse Courant, cu e biaba aqul mester ser gastar cerca Tropical Bottling Company. Su prijs ta consisti di mas o menos 14 caha di limonade Tropical, loque ta mas o menos 350 botter. Por lo pronto na cas cerea Helonsie lu nan no por muri di sed. Banda di e ganadora riba e foto sra. Rosemarie Maas, secretaresse di directie di Tropical Bottling y na otro lado un comecir di srta. Lioe A. Tjam.

### BEKENDMAKING

### Luchtvaartdienst N.A.

Aanvangende 12 november 1962 zal op Curacao en Aruba gelegenheid worden gegeven tot het afleggen van Luchtvaartexamens.

Hoofd Luchtvaartdienst N.A.

**KNSM**

*your line*



TELEPHONE 1777 - 3 LINES

SCHEDULE OF ARRIVALS/DEPARTURES AT/FROM ORANJESTAD

SHIPS NAME	DATE:	FROM:	TO:
HELICON	26/9	Amsterdam, Curacao	Venezuela, Haiti, Gulf.
MARON	27/9	New York, Curacao	Venezuela, Guyana's Europe.
DELFT	3/10	Amsterdam, Curacao	Cristobal, W.C. South America
VOLUMINIA	3/10	Gulf	C'ao, Venezuela, Suriname, N.Y.
MEMNON	4/10	New York, Curacao	Venezuela, Trinidad, New York
PRINS DER NEDERLANDEN	9/10	Europe, Curacao	Caribbean Cruise

### CISCO KID presenta pa cortesia di ARUBA BOTTLING COMPANY

E refrescanan di mas subroso..... regulando glasan di mas bunita! Spaar bo „tapanan“ y aumenta bator di bo coleccion en glasan di NESBITT'S, CHERRY, COCO-RICO y PINE-APPLE.


2. „Bo a dal bo mes, senjorita?“



### VENTURA DI OLLE pa cortesia di Antillian Hardware Co

Bo mehor adres pa HERMENT, Y TUR MATERIAL DI CONSTRUCCION!

1. „Danki Dios cu Olle canose e luga ariba su punta di dede. „He, mi ta serka di yega“ e ta pensa, solamente ocho kilometer falta.....“ Pero esey no ta asina pasobra cu den lama ta drif cantidad di seruman di ijs, y esey ta masha fastioso. Si bu purba pasa over di nan nan ta kibra cu bo. Mira cuanto tin.











Na Arnhem a ser recorda na un manera solemne y gera unidat di mas ultimo. Ma aqur un portret di solemnitad na memoria di vietnamita na suñida di Rijnbrug.

### PAPA A BISHITA SINT PIETER

**CIUDAD DEL VATICANO, 25 sept.** — Papa Juan 23 aña a mairia a bishita Sint Pieter pa e resa na e grial di Petrus, Benedictus 15 y Pius 11 y Pius 12, pa via di e intencionan cu nan a constata pa pegu e iglesia na candel. Manera ta anuncia pensamentu desconoci a pone dos bon di candel den e misa.

Colonel Angelini, comandante di gendarmeria Papal, a bisa despues cu den e capilla di Santissimo Sacramento nan a haya un bon di candel y un aparato di incienso.

Despues di mas investigacion nan a haya un otro bon di candel na pia di e imagen di San Adreo.

### ALEMANIA OCCIDENTAL TA PROHIBI COMERCIO CU CUBA

**WASHINGTON, 25 sept.** — Gobierno di Alemania occidental a pone departamento di estado na Merca na altura cu e lo prohibi comercio cu Cuba. Asina nan a participa di parti di congreso Mericano.

Den e texto di e nota Aleman ta para entre otro, cu gobierno di Alemania oriental lo saca un ley, segun cual mester di un permit especial pa transport di articulonan comunista pa medio di bapornan of aeroplano di charter.

E gobierno di Alemania occidental ta bisa den e nota cu e ta spera cu otro paisnan di NATO lo tuma e mesun decisionnan. Na Washington nan ta bisa cu e prohibicion di Alemania occidental lo ta pa tur articulonan cu excepcion di remedio y quizas algun comestibles.

### CONDECORACION REAL PA MR. BURGER

**AMSTERDAM, 25 sept.** — Su ma hestad ta reina, a nombra mr. J. A. W. Burger, quende na cuminsamento di aña legislativo nobo a baha como presidente di e fraccion di Tweede Kamer di e partido „Partij van Arbeid” como „Commandeur in de Orde van Oranje Nassau”. Asina e minister di asuntunan interior, mr. E. H. Taverus a participa durante un reunion publico di e congreso di partido di e partido aqur. Na Amsterdam, unda nan a tuma despedida di mr. Burger como lider di fraccion di Partij van Arbeid e lider socialista a bisa, cu su salida for di Tweede Kamer, no ta nifi cu un abandono di politica.

## CINCO Y SEIS

Resultado di e catedralan di dia 23 di september di 1962.

**CABANAN GANADOR**  
**PROMER CAREDIA:** Granillo (49 kilo) cu R. Ganez, di preparador J. Villalobos. Distancia 1700 metro.

**DI DOS CAREDIA:** Probador (51 kilo) cu R. Ganez, di preparador J. Villalobos. Distancia 1600 metro.

**DI TRES CAREDIA:** Luan Chamal (53 kilo) cu preparador J. E. Vidal cu jinetes H. Marchena. Distancia 1800 metro.

**DI CUATRO CAREDIA:** Neto (51 kilo) cu preparador J. E. Vidal cu jinetes A. Aguilera. Distancia 1400 metro.

**DI CINCO CAREDIA:** Manuelillo (50 kilo) cu preparador C. Minoz C. cu jinetes E. Gomez. Distancia 1400 metro.

**ULTIMO CAREDIA:** Caballero (57 kilo) cu preparador B. Cazuraga cu jinetes A. Aguilera. Distancia 1400 metro.

Ta remarcable cu e preparadornan leader di e estadistica di preparador a tuma parti den e catedralan cu un gran cantidad di cabai, manera Zaidie cu 5, Noguera cu 5, J. R. Fernandez cu 6, Cline cu 7 y M. Azpitua cu 8 y ningun por a logra un victoria cu nan cheplap, J. Gallegos su unico cabai, Probador a sali victoriosu, J. E. Vidal a gana dos catedrala di e tresnan den cual e tabatin cheplap inscribi. Gustavo Avila su dianan di malaracha parece a pasa. Di su dos montun el a gana uno (Probador), J. Bolivar, Camacaro y B. Moreira cu a compromete gran cantidad di monta na e legra ningun triunfo, R. Gomez a gana su promer catedrala di e temporada aki den 5 y 6.

Tres promer favorito a sali victoriosu, Probador, Neto (llave 7) y Caballero. Luan Chamal un tercer favorito y Granillo y Manuelillo ta dos ganador cu respectivamente 1 y 2 punto den e concurso di favorito. E dos ganadornan aki a salba nos for di un mercado liber e biahu aki. Aunke cu e cuatroronan di seis no ta gana un suma mucho grandi toeh e ganadornan di 6 cabai ta haya pa nan cuadro Bs. 24,141.95.

Tin 33 cuadro ganador di 6 cabai. Cu 5 cabai ganador a resulta 1821 cuadro. Cada uno ta gana 288.95 bofivar. Tabatin sella 300,537 formulario pa un valor di Bs. 2,827.976.

Con e cabanin a corre?

**PROMER CAREDIA:** Vivace e gran favorito cu nos a kere lo bai gana su tercer victoria sigi a frusca den e catedrala. Verdad cu e cabai a sali malo pero tur e esfuerzo cu su jinetes a haya pa recupera e terreno perdi na a yuda nada. E cabai na a reaccionar. Captain

Nemo cu a corre como delantero gastuier e catedrala tampo a logra sali ganador. Granillo un tremendo natezo cu a abona pa concepto di ganador Bs. 109 a resulta e triunfador di e catedrala. Asina cu e 5 y 6 a comenza cu un gran decepcion pa mayoria di e apostadornan. Y esnan cu a inclui Granillo den nan cuadro na e momento ey tabatin gran esperanza di gana algo serio. Pero den curso di e catedralan e otro favoritonan a responde debidamente y kiba e ilusion di un 5 y 6 cu dividendo halto. Captain Nemo a ocupa di dos puesto sigi pa Grecian Boy cu a corre cu mala suerte. Di cuater a vega Farugita y Estelar a cerra e marcador.

**DI DOS CAREDIA:** Probador e gran favorito corri pa Gustavo Avila a sali ganador cu 11/4 cuerpo dilanti di Maney. No obstante cu G. Avila tabata corre ultimo tempo cu hopi mala suerte nos a gana Probador toeh e promer oponente a vega a gana prueba cu te ainda e ta un zante di gran fama. Publico a gana e idolo aki un gran aplauso ora di su victoria. Pa Avila mes e victoria aki ta un gran estimulo pa e sigi actua cu energia pa logra hopi mas victoria den futuro. Azorardo a yega di tres sigi pa Mayorengo. Gleen Ford a completa e marcador.

**DI TRES CAREDIA:** Luan Chamal a logra su promer victoria den la Rinconada bao pilotaje di H. Marchena. Luan Chamal a gana e catedrala aki di punta-bunta sin ningun momentu a corre ningun peligro como el a proba di ta hopi superior na e otro competidornan. Su victoria cu 5 cuerpo dilanti di Cheyenne ta prueba cu e no a baya ningun enemigo den e catedrala. E promer favorito Churumbel a yega di tres sigi pa Barbablancu y Ferumbas a cerra e marcador.

E „Clasico Republica de Venezuela” a duna como ganador un cheplap cu ningun hende a kere por a gana e catedrala. Valentin corri magistralmente pa e veterano Walter Carrión a gana e catedrala dilanti di Fergus un di e gran favoritonan. Tur hende a opina cu Polizon lo ta e ganador pero e cabai aki a yega di tres. Su jinetes J. E. Cruz a declara cu na salida e cabai a herida su pia na porta di e aparato. Talvez esaki por ta causa cu el a perde e catedrala. Cu e triunfo aki e cabai a gana un trofeo y un premio di Bs. 100,000.

**DI CUATRO CAREDIA:** Den nos pronostico nos a duna como nos opinion cu e catedrala lo bai entre llave 7 Remanso y llave 8. Neto di llave 7 a gana e catedrala. Remanso a yega di dos y Palmerin di llave 8 a yega di tres. Pero nos y tur hende cu a hinga llave 7 a considera Eneestre como e posible ganador. Lastima cu durante e catedrala e cheplap aki a haya un accidente y mester a keda fuera di catedrala. E jinetes Marchena a declara

cu e cabai a hinea su pia den un buraco di e pista loke a ocasiona un fractura na su pia drechi di adilanti. Ora esey a socede Perez e jinetes di Neto e otro componente di llave 7 a demonstra su capacidad como jinetes ganando un catedrala dificil y defendiendo asina e yabi cu gran exito. Neto a drenta cu 1/2 cuerpo dilanti di Remanso sigi pa Palmerin. Di cuater a yega For y Bajadon a completa e marcador.

**DI CINCO CAREDIA:** Den un final di fotografia Manuelillo a gana e catedrala dilanti di Canasto cu minimo diferencia di un nan-hi. Ora cu Canasto a comenza su atropellada den e recta final tur hende a kere cu e cheplap lo ta e ganador pero Manuelillo a sorpria e atropellada cu exio pa keda triunfador. Di tres a yega Perillador. Hawk e Ingles a ocupa di cuater lugar pa Estambul cerra e marcador.

**ULTIMO CAREDIA:** Caballero a cerra e competencia cu hroche de oro ganando cu 3 cuerpo dilanti di Banderillas. Caballero a demostra gran superioridad riba e otro competidornan. Su jinetes a pasa tuma e delantera ora cu el a haya conveniente sin gran esfuerzo pa soporta despues cu exio e atropellada di Banderillas. Apleto a ocupa di tres lugar. Di cuater a yega Yate y El Gavilan a completa e marcador.

### CHLOOR TA AMENASA MERICANONAN

**WASHINGTON, 25 sept.** — Oficialnan Mericano y tecniconan a delibera con ta e mior sistema pa saca tres bleki cu chloor liquido, cu ta den rio Mississippi bordo di un hapor cu a zink.

Hava nan a considera pa evacua 80,000 hende pasobra si e chloor hui for di den e blekinan, e lo por mata mas di 40,000 hende. Como medida di precaucion nan a manda 20,000 mascara di gas na e terriorio rond di Naichez.

President Kennedy a duna orden pa kuita e chloor mas pronto posibel. Si un di e blekinan mester haya un buracu, e chloor lo hui den forma di gas y hida di hopi hende ta na peliger.

### SRA. SOEKARNO NA PEKING

**PEKING, 25 sept.** Senjora Hartini Soekarno esposa di president Soekarno di Indonesia, a haya un recepcion na su yegada na Peking manera normalmente solamente hefenan di estado sa haya.

Na aeropuerto un comision di recepcion a salud. Lider di e comision aqur tabata president Lioe Shao-Shi di China comunista, premier Tsjao En-Lai y e minister di Exterior mariscal Tsien Yi.

Senjora Soekarno lo ta un di e principal hiespednan durante celebracion di e fiestanan riba prome di oktober, dia di fiesta nacional na China.

### NANDO A PERDE CONTRA DI JACK JOHNSON

(Di nos redactor deportivo)

E campeon peso medio antiyano, Sugar Boy Nando a sufrir un derrota siman pasa den e ring di Ristadion na Corsow contra di e hoben pugilista curazonenjo Jack John. E pelea cu a hai su diez roundnan completo a resulta un „upset”. Poco, ademas di Johnson y su mas intimo colaboradornan por a spera un triunfo di parti di e curazonenjo.

Sugar Boy Nando a busca di forza un fin rapido na e pelea, pero usando un defensa casi impenetrable Johnson a sabi di elimina e atakanan di Nando, mientras cu e mes si tabata logra conecta suficiente golpi pa por hanja decision unanime di e dos juezan y di e referi.

E sistema di punto ta worde usa na Corsow y dos tabatin un ventaha di tres punto pa Johnson y e otro di dos punto. Manera ya nos a yega di informa e pelea aki originalmente tabata planea pa ser uno pa e titulo di campeon peso medio di Antiyas, cu actualmente ta den poder di Nando, pero problemaman financiero a haci cu e intencion a worde cambia. Nando pues no a expone su titulo.

Sinembargo despues di e pelea Nando a anuncia cu e ta dispuesto na duna Johnson un pelea pa e titulo di campeon peso medio di Antillas.

Cu exio Nando a yega di defende su titulo contra di diferente pugilista antiyano caba, tanto for di Corsow como for di Aruba.

Y den tur e otro ocasionnan Nando tabata indubablemente e favorito pa retene su titulo, pero e hiba aki despues di e derrota contra di Johnson ta dudoso cu Nando lo por tin gran mayoria di e fanaticonan na su banda.

E campeon ya tin mas di 30 aña di edad y ta momento cu generalmente tur pugilista ta cuminsa decae. Tin indicacion pues cu Nando no ta un excepcion. Pero di otro banda, nos mester menciona cu e ta un pugilista cu semper a cuida su curpa, loke ta un factor cu masha pugilista no sa haci.

E derrota awor contra di Johnson por sirhi como un empuhe p’e pa e realisa, cu e no ta invencible den Antillas y cu e lo subi ring cu intencion di usa tur su poderio y sabiduria di e deporte di defensa propia pa tog e por prolonga su derecho ariba e titulo poco tempo mas.

Awor cu Nando a anuncia publicamente cu e ta completamente dispuesto na duna Johnson chens di gana e titulo, cu Johnson a haci asina bon papel, indubablemente lo no pasa mucho tempo cu promotor Job lo anuncia firmamento di e segundo pelea entre Johnson y Nando.

Problema financiero casi sigur lo no tin ya cu un „full-house” ta practicamente garantiza awor.

### ARRESTACION NA CUBA

**HAVANA, 25 sept.** — Di fuente autorisa nan a informa cu na Cuba nan a arresta 150 oficial y marineronan en conexion cu un complot. Algun lider di e complot parece a pidi asilo politico na e embahadanan sur-american na Havana.

Nan ta sigul cu e investigacion. Autoridadnan cubano no kier bisa nada alda tocante e asunto.



Pasobra principalmente ultimo semannan e numero di arrestacionnan di viajeronan occidental na Berlin- y Alemania Oriental a aumenta asina tanto, autoridadnan occidental a cuminsa cu un registracion escrupuloso na frontera di cada auto y caro cu ta biahá di West pa Oost. Dje mania Oriental a aumenta asina tanto, autoridadnan occidental a cuminsa cu un registracion escrupuloso na registracion na e post di control Unter der Linden.

### DESPEDIDA DI SR. EKKEBUS (CONT. DI PAG.1)

por a tuma pasanan masha responsable.

### Palabra di gratitud

Pa termina Sr. Ekkebus a gradici na su manera diverso. Sinembargo el a mustra cu tur elogionan cu el a ricibi ta pertenece na su subalterno nan — su trahadornan — pasobra sin esakinan nunca lo e no por a duna bon prestacionnan. En particular el a gradici un trahador confiable te hieu, cu ta hai cu pension: Sr. Semeler, un persona cu hasta a assiste ora cu mairia de hez en cuando e reumatismo mester a ser frega pa e quita. Visiblemente emocionado el a gradici pa tur pruebaan di aprecio i afeccion cu a ser mustra na dje awar na ora di su despedida.

Mas prome den senan el a ser buhila pa Soeurman di Conbento San Francisco. Aya el a ricibi p’e cu su senjora un viaje di 10 dia pa Salzburgo, como gratitud pa e hecho, cu anjanan largu e tabata pone aparatura di rontgen i siatrhernie na accion.

Tambe di parti di Stichtingsbestuur di Jeugdhuus Jong Bonaire a ofrece Sr. Ekkebus un regalo, pa e cursu pa simple tecnico di radio, cu den relacion aqur el a duna na diferente hoben. Drs. Thijs di Sticusa a expresa su aprecio particular pa e trabao excelente cu Sr. Ekkebus a haci aqur.

Asina Sr. Ekkebus ta bandona Bonaire, sobrecarga di regalo i pruebaan di aprecio. Manera nos a bisa na principio, Bonaire ta despedi cu tristeza di dje, pasobra den dje comunidad boneriano ta perde un habitante activo, experto, calmo, yudado i generalmente aprecio. Tur cos bon, pa bo i bo familia. Nos ta desea bo un verlor honnere i tur cos bon pa porvenir.

### ELECCIONAN DEN SENADO FRANCES

**PARIS, 25 sept.** — Durante eleccionnan pa nobenta di e 273 asientonan di senado frances ayera no a trece cambio importante den formacion di e colegio aqur, cu segun tradicion ta masha estable y cu tin poco influencia politica. Tabatin mas o menos 300 candidato. Ora cu tur resultadonan cu excepcion di dos a drenta, a resulta cu 81 di e 88 senadornan a worde reeligi.

### DAKOTA CONTRA ESTRELLA AWE NOCHI

(Di nos redactor deportivo)

Campeon- y subcampeonnan di nos isla ta topa otro awe pa di promer biahada den e campeonato di hoofdklasse 1962. Tanto Dakota como Estrella tin un triunfo caba obtenible den nan unico salida den Wilhelmstadion te ainda.

Dakota a derrota Riverplate cu score di 3-0, mientras cu Estrella a haci mescos cu Tropical cu score di 2-0.

Huzgando ariba e dos presentacionnan ey, nos mester menciona cu Dakota a hunga mior futbol. Nan tabata tin un rival mas fuerte nan dilanti y tog nan a logra un victoria mas convincente.

Errornan cu e defensa di Estrella a haci contra di Tropical, nan no por permiti nan mes awe nochí ya cu e dakotonjonan lo haci mior uso di esakinan.

Conociendo sinembargo e espiritu di pelea di e muchanan di Frere Paulus, nos ta kere cu un interesante partido lo worde brinda na e fanaticonan awe nochí.

ARIES 11 Maart — 20 April



Como quiera cu bo ta para riba bo mes pianan ta masha facil pa bo combati tu problema.

TAURUS 21 April — 20 Mei



Trata tanto cu por, pa bo queda leu for di dificultadnan di otro, sino esei ta perhudica bo.

GEMINI 21 Mei — 20 Juni



Duna preferencia awor na bo interesnan obhietivo riba tur placer i asuntunan priva.

CANCER 21 Juni — 22 Juli



Trata na evita pa tur aplicacion, tanto cu esaki no ser forza pa otro nan.

LEO 23 Juli — 22 Augustus



Esaki sigur no ta un dia pa hac hiahia, bishita o discusionnan di importancia.

VIRGO 23 Augustus — 22 September



Sea realista i no larga castillonan di aire ciega bo. Awe ta bo dia di suerte den hopi cos.

LIBRA 23 September — 22 October



Awe tambe mester ta masha na bo punto contra mal entendimiento i conflicto.

SCORPIO 23 October — 22 November



Bo asuntunan ta den punto critico di intereso otro quier duna preferencia.

SAGITARIUS 23 November — 21 December



Aleja bo m tanto cu bo por foy problemaan di familia. Lo mester tin otro cos di haci cu ta m uiti.

CAPRICORNUS 22 December — 19 Januari



Por presentacionnan cu tin a haber cu bo credito of bo prestigio. Cuidado aventura.

ACUARIUS 20 Januari — 18 Februari



Bo plannan awe lo ser cambia contra bo boluntad. No quier abairado. Paciencia.

PISCES 19 Februari — 20 Maart



Corda semper na cumpli cu lo que bo a prometi. No larga alintimentunan di mina bo.

### BUCHI ROBEZ

presenta pa cortesia di:

### REFRESQUERIA INGRID Tel. 1849

★ e mehor adres pa snacks, tur clase di dushi, softdrinks, ice-cream y revistas

